



18.04.2008

Gudnejahtton vuoigatvuohtaministtar Tuija Brax, bargo- ja intgrašuvdnaministtar Dag Terje Andersen, eanandoalloministtar Eskil Erlandsson, Ruota sámedikki presideanta Lars Ander Baer, Norgga sámedikki presideanta Egil Olli, Gollegiella árvoštallanlávdegotti ságadoalli Pekka Sammallahti ja earenoamážit Gollegiella-bálkkašumi oažžuguovttos, Sámi Siida rs. ja Henrik Barruk.

Gollegiella-bálkkašupmi lea dehálaš árbevierru, man symbolalaš mearkkašupmi sámegiela ovddideapmái ja sámi álbmoga oktílašvuhtii lea stuoris. Lea dehálaš, ahte sáhttit doarjut ja addit dovddastusa giela ovddideapmái sámi servoša siste. Dákkár dovddastusat leat ein deháleabbo doarjagat sámegiela ovddidanviggamušain. Gollegiella-bálkkašumi árbevierru galgá joatkahuvvat ja livččii dehálaš, ahte sáhtáleimmet gárgelit maid sámi kultuvrra ovddideami várás seammalágán bálkkašupmevuogádaga.

Dán jagi Gollegiella-bálkkašumiid oažžu leat loktejuvvon hui bures ovdan álbmotservoša bargan bargu sámegiela buorin. Vaikko sápmelaččain leat iežas álbmo válljen orgánat, sámedikkít, nu mii dárbbahit aktiivvalaš riikkavuložiid ja servviid sámegiela sajádaga buorideami várás. Aktiivvalaš álbmotsearvvis dego Sámi Siiddas lea mearkkašahhti váikkuhus doaibmaguovllustis ovdamearkan ja sámi vuoigatvuođaid gáibideaddjin. Sámi Siida lea bargguinis ráhkadan lunddolaš giellageavahandiliid sápmelaččaid árgabeaivvi oassin Ohcejoga gielddas. Aiddo árgabeaivvi giellageavahandiliid lasiheapmi ja lunddolaš sámegiela geavahanbirrasa luovvan dorjot sámegiela seailuma ja ovdáneami. Dán dilálašvuođas dajalin mielalis, ahte Sámi Siidda áŋgiruššan bargu livččii meaddel ja ahte sámegiela sajádat livččii dakkár dilis ahte servviid doarjaga ja ovddidanbarggu ii šat dárbbat, muhto dilli ii leat dákkár. Sámegiela ovddideami ja beroštumiid barráigeahču mii dárbbahit aivve liikká olu go ovdalnai. Earenoamážit dárbbahit servviid čujuhit vigiid sámi giellalága olláhuvvamis ja gáibidit vuoigatvuođaideamet olláhuvvama. Mu sávaldat lea, ahte dát bálkkašupmi movttidahtta Sámi Siidda joatkit ein áŋgireappot sámegiela ja dan geavahusa ovddideami Ohcejoga gielddas.

Nubbi Gollegiella-bálkkašumi oažžu Henrik Barruk lea bargguinis ovdamearkan midjiide buohkaide. Son lea leamaš ábas, áŋgir ja vuollánmeahtun ubmisámegiela ovddideaddji ja oahpaheaddji Ruotas juo guoktelogi jagi. Dán barggu son lea bargan vuollegašvuođain iige lea bajidan iežas

earáid bajábeallái. Ubmisámegiella lea okta hui uhkivuloš gielain sámegiela giellabearrašis. Giela boahhteáigi lea hui guhkás Barruka sullasaš bálggesčulliid duohken. Giela gádjun ja ovddideaddjin bargan ii leat álkes bargu ja birastahtti servodaga deaddagat sáhttet átestit luohpat giellagádjunbargus. Henrik Barruka guhkesáiggebargu lea čujuhus maid su vuoiŋŋalaš givrodagas. Sámegiela dárbbahit dákkár oppasgálliid ein eanet ja sávan ahte Henrik Barruka addin ovdamearka movttidahtta maid nuorat sápmelašbuolvva ovddidit sámegiela ja sámi kultuvrra.

Váimmolaš lihkusávaldagat Gollegiella-bálkkašumi oazžuide, Sámi Siida rs:ái ja Henrik Barrukii. Sávan lihku ja menestumi dehálaš barggus sámegiela ovddideami várás.